



Broj: 01-34-11202-2/19
Zenica, 16.07.2019. godine

SKUPŠTINA ZENIČKO - DOBOJSKOG KANTONA			
Primljeno.	16.07.2019.		
Org. jed.	Broj	Prilog	Vrijednost
01-34-	11202-	2	19

**SKUPŠTINA
ZENIČKO - DOBOJSKOG KANTONA
n/r predsjedavajućeg**

PREDMET: Prijedlog Odluke o imenovanju predsjednika i dva člana Nadzornog odbora Agencije za privatizaciju Zeničko-dobojskog kantona - dostavlja se

Na osnovu člana 33. a u vezi sa članom 152. stav 1. Poslovnika Skupštine Zeničko-dobojskog kantona - Treći prečišćeni tekst («Službene novine Zeničko-dobojskog kantona», broj: 14/18, 18/18-isp. i 7/19), u prilogu ovog dopisa, dostavljamo Vam Prijedlog Odluke o imenovanju predsjednika i dva člana Nadzornog odbora Agencije za privatizaciju Zeničko-dobojskog kantona, radi njenog razmatranja na narednoj sjednici Skupštine Zeničko-dobojskog kantona.

S poštovanjem,

PRILOZI:

- Prijedlog Odluke o imenovanju predsjednika i dva člana Nadzornog odbora Agencije za privatizaciju Zeničko-dobojskog kantona
- Popunjen obrazac Izjave o fiskalnoj procjeni (Obrazac IFP NE)

DOSTAVLJENO:

- 1 x Naslovu,
- 1 x Predmet 17. sjednice Komisije/04-01

PREDSJEDAVAJUĆI
Čazim Huskić

PRIJEDLOG

Na osnovu člana 14. stav 1. i 2. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“ broj: 4/97, 15/97, 6/01, 8/10 i 15/17), Skupština Zeničko-dobojskog kantona na ____ sjednici održanoj dana ____ 2019. godine, d o n o s i:

ODLUKU o imenovanju predsjednika i dva člana Nadzornog odbora Agencije za privatizaciju Zeničko-dobojskog kantona

Član 1.

(Sastav Nadzornog odbora Agencije za privatizaciju Zeničko-dobojskog kantona)

U Nadzorni odbor Agencije za privatizaciju Zeničko-dobojskog kantona imenuju se :

1. **Mesud Čamdžić** - predsjednik
2. **Elmir Isaković** - član
3. **Azra Kaknjo** - članica

Član 2.

(Mandat Nadzornog odbora Agencije za privatizaciju Zeničko-dobojskog kantona)

Imenovanje iz prethodnog člana vrši se na period od 4 (četiri) godine.

Član 3.

(Stupanje na snagu, primjena i objavljivanje)

Odluka stupa na snagu danom donošenja, a primjenjivat će se od 22.09.2019. godine i ista će se objaviti u «Službenim novinama Zeničko-dobojskog kantona».

PREDSJEDAVAJUĆI

Čazim Huskić

Broj: 01-_____/19
Zenica, dana ____ 2019. godine

OBRAZLOŽENJE

I – PRAVNI OSNOV

Pravni osnov za donošenje Odluke sadržan je u članu 14. stav 1. i 2. Zakona o Agenciji za privatizaciju Zeničko-dobojskog kantona (Službene novine Zeničko-dobojskog kantona broj 4/97, 15/97, 6/0, 8/10 i 15/17), kojima je propisano:

„Nadzor nad zakonitosti rada i finansijskog poslovanja Agencije provodi Nadzorni odbor. Nadzorni odbor se sastoji od predsjednika i dva člana, koje imenuje i razrješava Skupština Kantona.“ (stav 1.)

„Predsjednik i članovi Nadzornog odbora imenuju se na period od 4 godine, a nakon toga mogu biti ponovo imenovani.“ (stav 2.)

Pravni osnov je, osim navedenog, sadržan u članu 12. stav 1. Zakona o vladinim, ministarskim i drugim imenovanjima u Federaciji Bosne i Hercegovine (Službene novine Federacije BiH broj: 12/03, 34/03 i 65/13), kojim je propisano:

„Nakon intervjua i na osnovu u potpunosti dokumentovanih odluka svakog člana komisije, komisija za izbor će putem pisane peporuke predložiti rang listu sa najboljim kandidatima odgovornom javnom službeniku na daljnje razmatranje...“ Shodno odredbi člama 2. stav 1. tačka 1.6. odgovornim javnim službenikom se smatra i Skupština Kantona.

U članu 3. stav 1. alineja (B) Zakona o ministarskim, vladinim i drugim imenovanjima u Federaciji Bosne i Hercegovine utvrđen je princip kvaliteta, kao glavni princip kojim se rukovode sva imenovanja, a koji podrazumijeva da se postupak imenovanja provede putem dobro informiranog izbora lica koja po svojim sposobnostima, iskustvu i kvalitetima odgovaraju potrebi regularnog organa koji je u pitanju.

II – RAZLOZI ZA DONOŠENJE

Komisija za izbor imenovanja VIII saziva Skupštine Zeničko-dobojskog kantona, blagovremeno je pokrenula postupak objavljivanja Javnog oglasa za imenovanje predsjednika i dva člana Nadzornog odbora Agencije za privatizaciju Zeničko-dobojskog kantona, kojeg imenuje Skupština Kantona, pošto postojećem Nadzornom odboru Agencije za privatizaciju Zeničko-dobojskog kantona, **ističe dvogodišnji mandat, dana 21.09.2019. godine.**

Na Javni oglas za imenovanje Nadzornog odbora Agencije za privatizaciju Zeničko-dobojskog kantona, koji je objavljen dana 11.06.2019. godine u dnevnom listu „Dnevni avaz“ i na web stranici Zeničko-dobojskog kantona, www.zdk.ba, te u „Službenim novinama Federacije Bosne i Hercegovine“ broj: 41/19 dana 14.06.2019. godine, prijavilo se 5 kandidata, čije su prijave blagovremene i potpune.

Na 17. sjednici Komisije za izbor i imenovanja održanoj dana 16.07.2019. godine obavljen je, po abecednom redu, intervju sa svim pozvanim kandidatima sa Liste užeg izbora kandidata, (koju čine oni kandidati koji ispunjavaju sve utvrđene kriterije za imenovanje, odnosno sve propisane formalno-pravne uslove), nakon kojeg je, nakon dokumentovane odluke svakog člana Komisije, a na osnovu broja bodova koje je kandidat dobio na intervjuu, sačinjena **Rang-lista najuspješnijih kandidata, kako slijedi:**

- 1. Mesud Čamdžić – 25 bodova**
- 2. Elmir Isaković – 24 boda**
- 3. Azra Kaknjo – 23 boda**

Broj bodova koje je kandidat dobio na intervjuu, predstavlja zbir bodova datih od strane svakog prisutnog člana Komisije, podijeljen sa brojem prisutnih članova Komisije.

Na osnovu utvrđene Rang-liste najuspješnijih kandidata utvrđen je Prijedlog Odluke o imenovanju predsjednika i dva člana Nadzornog odbora Agencije za privatizaciju Zeničko-dobojskog kantona, a u skladu sa tačkom 7. Zaključka broj: 01-34-11083-1/19 od 09.07.2019. godine, koji je Komisija za izbor imenovanja donijela na 16. sjednici održanoj dana 09.07.2019. godine, u pomenutom Prijedlogu Odluke je za predsjednika Nadzornog odbora Agencije za privatizaciju Zeničko-dobojskog kantona predložen kandidat koji je imao najveći broj bodova, (najveći zbir bodova datih od strane svakog prisutnog člana Komisije, podijeljen sa brojem prisutnih članova Komisije).

III – OBJAŠNJENJE PREDLOŽENIH RJEŠENJA

Članom 1. vrši se imenovanje predsjednika i dva člana Nadzornog odbora Agencije za privatizaciju Zeničko-dobojskog kantona.

Članom 2. se utvrđuje period, (mandat) na koji se imenuju predsjednik i dva člana Nadzornog odbora Agencije za privatizaciju Zeničko-dobojskog kantona.

Članom 3. je propisano stupanje na snagu Odluke, te je propisan i početak primjene iste Odluke, (22.09.2019. godine-kao naredni dan nakon isteka mandata postojećeg Nadzornog odbora Agencije za privatizaciju Zeničko-dobojskog kantona koji ističe 21.09.2019. godine), kao i njeno objavljivanje u službenom glasilu i to samo u „Službenim novinama Zeničko-dobojskog kantona“, shodno odredbi člana 13. Zakona o ministarskim, vladinim i drugim imenovanjima Federacije Bosne i Hercegovine, po kojem se sva konačna imenovanja treba odmah da objave u „Službenim novinama Federacije BiH“ ili službenim novinama kantona, grada ili općine.

IV – FINANSIJSKA SREDSTVA

Za provođenje ove Odluke nisu potrebna posebna dodatna sredstva u Budžetu Kantona za 2019. godinu, osim onih ranije planiranih.

KOMISIJA ZA IZBOR I IMENOVANJA

OBRAZAC IZJAVA O FISKALNOJ PROCJENI**Obrazac IFP NE****A 1. Obračivač propisa**

Razdjel	KOD	NAZIV
10010001	10010001	SKUPSTINA KANTONA

B 2. Osnovni podaci o prijedlogu propisa

Vrsta propisa/akta	Zakon	NE	Odluka	DA	Strategija	NE
	Uredba	NE	Drugi akti	NE	Drugi akti planiranja	NE

Naziv propisa/akta**C 3. Izjava o nepostojanju dodatnih fiskalnih efekata predloženog propisa**

Donošenje Odluke o imenovanju predsjednika i dva člana Nadzornog odbora Agencije za privatizaciju Zeničko-dobojskog kantona, neće imati fiskalne posljedice na Budžet za 2019. godinu u smislu obezbjeđivanja dodatnih budžetskih sredstava.

D 4. Pečat i potpis odgovornog lica obrađivača, odnosno predlagača propisa

Ćazim Huskić, predsjedavajući Komisije za izbor i imenovanja

Mjesto i datum

Zenica, dana 16.07.2019. godine

